

根本說一切有部毗柰耶破僧事卷第二

唐三藏法師義淨奉制譯

爾時四王子與諸人衆漸漸前行至雪山下
宛伽河側近劫比羅仙人所住之處時四王子
與諸人衆各剪茅草以爲屋舍依此而住
第二
爾時衆人共相採捕以自養活時四王子日
日三時往劫比羅仙所親近供養四王子等
年既長大而無妻妾形體羸瘦仙人問曰汝
等何因漸加顛頽王子答曰我等小年無有
妻妾日夜憂愁豈不顛頽時仙報曰汝等之

妹互相配適王子白曰我等不知合得以不
仙人報曰既不同母通計此事爾時王子各
自思惟我等兄弟既離本國此處無人可爲
婿對仙有此教甚適我願即大歡喜互相嫁
娶以成夫婦未久之間各生男女時四王子
心生喜慶將其妻子頻至仙所因茲便生喧
鬧仙見是已心不得定告王子曰汝當安此
好住我離斯處王子白曰何故即去仙人報
曰汝等喧鬧亂我禪定猶如跣脚踏棘刺上
王子白曰願仙住此可與我等別覓好處我

當住彼仙曰可爾時彼仙人有神通力隨其所樂皆得成就即持金瓶盛滿中水詣餘好處灑水爲界告王子曰汝等可於此地安止時諸王子奉仙人教已即築城壁止住其內彼仙人灑水爲界因此立名爲劫比羅城百姓漸多城先窄小時有天神見此事已便指餘處其地寬廣即就此處別立一城因號此城名爲天示時諸王子總集籌議爲我父王娶後妻故令我兄弟出離本國我等諸人應共立契自今已後唯娶一婦更不娶餘爾時

增長王問羣臣曰我之四子今何所在羣臣報曰王諸子等因有過故王令出國并諸姊妹見在雪山之下天示城中自廣營城邑增長王曰我諸子等豈能如此自成就不群臣報曰能時增長王即大踊躍端坐舉手告諸臣曰我子大能我子大能由大威德言大能大能故得釋迦名後於異時增長王崩愛樂太子即紹立爲王時愛樂王亦無子息後便命終爾時羣臣共相諮詢往天示城冊第一王子名曰炬面以爲國主子息便死炬面無

子後便命終復冊大耳以爲國主大耳無子復便命終復便冊象行以爲國主象行無子復冊寶釧以爲國主寶釧有子名近寶釧後紹王位近寶釧有子名曰天門亦紹王位復次諸仁其天門王於劫比羅大城子孫相繼經五萬五千代正法治國其最後王名曰十車十車有子名曰百車百車有子名曰嚴車嚴車有子名曰勝車勝車有子名曰堅車堅車有子名曰十弓十弓有子名曰百弓百弓有子名曰九十弓九十弓有子名最勝弓最

勝弓有子名曰嚴弓嚴弓有子名曰堅弓復次諸仁其堅弓王而有二子一名獅子頰二名獅子吼此贍部洲所有一切善射之者獅子頰王最爲上首其獅子頰王而有四子一名淨飯二名白飯三名斛飯四名甘露飯獅子頰王復有四女一名清淨二名純白三名純斛四名甘露淨飯王有二子其最大太子即我薄伽梵是其第二者即具壽難陀是白飯王有二子一名恒星二名賢斛飯王有二子一名大名二名阿那律甘露飯王有二子

一名慶喜二名天授其清淨女誕生一子名曰善悟純白有子名曰有曼純斛有子名曰勝力旨露有子名曰大力我薄伽梵有子名曰羅睺羅始從地主大王乃至羅睺羅斷其繼嗣何以故以羅睺證無生果斷生死種故爲此斷其繼嗣尊者大目乾連爲諸釋種大衆說其釋迦族已便即退坐默然而住爾時世尊知大目連說種族已便從卧起端身而坐告大目連曰善哉善哉汝爲諸苾芻說我釋迦昔世以來所有種類如法說已復告目

連曰若復有人爲他廣說釋迦種族此善男子於長夜中得大利益恒受安樂爾時世尊重復告諸大衆苾芻苾芻尼曰汝等當知應受我昔世已來釋迦種族所在餘方如法憶念爲他廣說何以故能於汝等獲大利益真利義故具法義故具梵行故當得如上所有功德是故汝等必芻應當受持讀誦爲他廣說爾時劫比羅城中諸釋種等聞此本族次第說已皆大歡喜即從坐起頂禮佛足各還本處爾時世尊復告諸苾芻等汝等諦聽昔

時師子頰王於劫比羅城正法化人於其國
土甚大豐熟無有恐怖人衆歡樂其善悟王
於天示城正法化人國土安隱家給年豐無
有衰惱善悟王后名曰妙勝顏貌端正衆所
樂見一切有情恒得安樂天示城中有一長
第2
者名曰吉祥甚多財寶倉庫盈溢園林田宅
其數不少多諸眷屬所有珍財如辟室羅末
擎等無有異時彼長者有一芳園多諸華果
流泉浴池種種諸鳥出和雅音世所殊絕國
王王子及諸妃后常住遊戲時王夫人見此

園林即生貪愛白其王曰此園甚好可乞我
來王即報曰今此園者是長者所有我今安
得輒持與汝汝必須者我於城內別自修造
勝於此園與汝遊戲爾時其王爲夫人故於
王城內即造一園倍勝前者以此園林爲妙
勝夫人所造故因名此園號爲妙勝師子頰
王恒自思念常乞一願若得我種之內出一
金輪王甚適我願其善悟王亦乞一願願我
得與師子頰王速爲眷屬甚適我願時善悟
王最大夫人因即懷胎滿足十月誕生一女

顏容端正世所希有由此王女甚端嚴故王及夫人後宮眷屬一切見者無不恠仰共相議曰今此王女爲是人生爲是善巧天來之所化作經三七日即如國法作諸喜慶令諸群臣遞相籌議今與此女作何名字諸臣白五曰此天示城中咸相謂曰由此王女先業果報得此端正復相議曰今此王女非人能生是善巧天之所化作咸白王曰可名此女號兒具足諸相有大威德得力輪位王聞此語甚大歡喜後善悟王最大夫人更復懷妊十月滿足誕生一女其女身光明徹城內容顏相好世所無比至三七日作喜慶已即集群臣議其名字以此小女勝幻化故因即立名

爲大幻化復爲此女令八乳母共相養育漸至長大時瞻相師來白王言今王聖女後必生兒具三十二大丈夫相威德尊重主轉輪王位王聞此語倍懷歡喜時善悟王即令使者持書詣師子願王報其王曰我大夫之誕

生二女其最長者生誕之日顏貌端正世所希有相師瞻之後當生子得力輪位其小女者身光倍勝相師瞻之後必生子得轉輪位我聞大王有最長子名曰淨飯二女之中願以一女爲淨飯妃故令使報至彼具陳王聞此言甚大歡喜令使還國報善悟王曰王之二女皆具相好我今總取爲淨飯妃然我先王而有要誓不取二妃今且取其小女生輪王者其大女者且勿令嫁待我集諸群臣及諸眷屬籌議此事時善悟王聞是語已即以

國法莊嚴小女并令五百姝女圍侍從至彼國已與淨飯王爲妃爾時師子頰王國有附庸之國居山谷內名般茶婆忽然反叛抄掠劫害隣近諸國時隣境住人諸釋迦種被其侵逼互相奔馳告師子頰我等村落皆被

某六

某賊日夜侵害願王興兵親往降伏師子頰王曰我今年老不任鬪戰彼諸人曰請王太子淨飯往彼捕捉王即報曰汝諸人等若許太子求一願者我便發遣衆答王曰唯然隨命時師子頰王於其城中擊鼓宣令嚴勅四

兵隨從太子往彼罰討爾時淨飯太子奉持父命將領四兵至彼賊所共相戰害以威力故時彼賊衆被太子軍或殺或縛無有遺孽賊既陰滅淨飯太子即領其軍還歸本國時諸釋種既得太子平除賊已皆大踊躍而白王言淨飯太子爲除怨害臣等諸人不勝喜慶王之先言太子有願請王爲臣等說時師子煩王先告諸釋曰汝釋迦種先立言誓不取二妻諸釋迦曰王今豈欲解先誓耶王曰不然更須牢結然我意者唯爲淨飯太子取

其二妃餘不應取諸釋迦曰此事可爾師子煩王即令使者往善悟王所而告之曰我今與諸釋迦種等共相籌議咸皆許我爲淨飯太子娶王長女爲妃王可與我王聞語已甚大歡喜即以五百姝女爲其侍從種種珍服莊嚴女身送劫比羅國時師子煩王得其女至即如國法會諸群臣作倡妓樂納娶其女卷二七子煩王先告諸釋迦曰汝釋迦種先立言誓不取二妻諸釋迦曰王今豈欲解先誓耶王曰不然更須牢結然我意者唯爲淨飯太子取無諸襄惱其國人衆處處充滿於異時中與

大幻化夫人餐諸樓閣後宮殊女圍達侍衛
奏諸女樂縱逸遊戲菩薩若在覩史多天常
有五法觀察世間何謂五法一者觀察生處
二者觀察國土三者觀察時節四者觀察種
族五者觀察所生父母何故菩薩觀察生處
在覩史多天宮常作是念過去菩薩何處受
生便即觀見或於淨行婆羅門家生或於刹
帝利貴族家生或為婆羅門師或為刹帝利
師故當爾之時刹帝利為尊我當住彼刹帝利
生何以故若我於彼貧下家生者或有來世

衆生誹謗我故由此因緣菩薩以自在福力
隨其所念皆得生彼由此義故菩薩受生之
時先當觀察所生之處何故菩薩觀察國土
菩薩在覩史多天常作是念過去何國土即
見彼國有甘蔗粳米大麥小麥黃牛水牛家
家充滿乞食易得無有十惡多修十善菩薩
惟中天竺國如是等物悉皆具足故我今生
彼中天竺國何以故若生邊地者或時有情
誹謗我故是故菩薩以福德力隨其所念皆
得生彼如佛所說無有虛也何故觀察時節

菩薩在覩史多天宮常作是念過去菩薩於何時節下生人間若見彼國衆生上壽八萬歲下壽乃至百歲菩薩爾時來生其國何以故若人長壽八萬已上時諸衆生無有愁苦愚癡頑鈍憍慢著樂非正法器難受化故若人短壽百歲已下時諸衆生爲諸五濁睿冒重故云何爲五一者命濁二者煩惱濁三者有情濁四者見濁五者劫濁菩薩爾時作是思惟若我惡世時出現於世多諸外道心生誹謗五濁增長非正法器猶如過去一切菩

薩濁惡世時不出於世何以故諸佛出興所說正法皆不虛過由是義故觀察時節復次何故觀察種族菩薩在覩史多天常作是思惟觀察於何種族可受生者若見有人先世已來内外親族無能謗者即生於彼菩薩爾時作是觀已乃見釋迦清淨尊貴轉輪王種堪可出現何以故菩薩若於下賤家生世間有情或生誹謗菩薩於無量劫來獲自在力所有欲念皆得隨意凡所說法曾無虛過由此因緣菩薩觀察所生種族復次何故觀所

生母菩薩在觀史多天宮作是思惟如餘菩薩於何等母而受胎藏觀彼女人七世種族悉皆清淨無有姪汚形貌端嚴善修戒品堪任菩薩具足十月處其胎藏而此女人所有生業往來進止曾無障礙復次大幻化夫人卷二
九 曾於過去諸佛發無上願使我來世所生之子得成種覺由是諸菩薩恐諸衆生作是謗言何故菩薩於彼無相女人胎中而出於世是故菩薩從無始已來種諸善根皆悉成就由是義故菩薩觀察所生之母爾時菩薩作

是五種遍觀察已即慇懃三唱告六欲天而作是言我今從是觀史多天下生人間於白淨王最大夫人胎中爲其太子誕生之後證常住果汝等諸天願欲隨我證斯果者可於人間同我生彼於天衆中三告是語爾時諸天聞此語已同聲報曰善哉菩薩不知彼瞻部洲剛強難化多諸濁亂外道六師及隨外道六聲聞等并諸六定外道之類遍滿其土深著邪見難可拔濟何謂六師一者晡刺拏二者末揭利子三者珊瑚移毗羅胝子四者

阿末多鷄舍甘婆羅五者脚阨迦旃延種六
者昵揭爛阨若提子何謂六隨外道聲聞一
者拘達多婆羅門二者輪那阨三者遮彌四
者梵壽五者達實六者赤海子何謂六定外
道一者鬱多伽囉摩子二者羅囉哥囉摩三
者善梵志四者最勝儒童五者黑仙六者優
樓頻螺迦葉若祇羅有如是等外道邪法教
化彼諸衆生貪著邪見難可濟度如何菩薩
今欲往彼今我覩史多宮一一諸天聽法之
座縱廣正等十一踰膳那當我在此說法我

等聞已深生信受能令我等於長夜中安樂
利益彼時諸天作是語已菩薩爾時告諸天
曰汝等諸天宜各隨意作諸音樂時彼天衆
即皆同時作諸音樂甚聲沸鬧爾時菩薩即
次大螺諸音樂響並皆摧息菩薩爾時復問
天曰諸音樂中何聲爲大諸天答曰螺聲最
大諸善男子汝等當知如大螺聲能令一切
諸音樂聲悉皆摧息我亦如是下於瞻部洲
集二
十定外道皆悉摧滅令一切衆生得甘露法

皆悉飽滿吹無常螺令諸外道假常之計皆悉摧滅吹大空螺令諸外道執有之見亦皆摧滅爾時菩薩說伽他曰師子能伏諸猛獸金剛善摧一切堅帝釋能伏阿蘇羅一切光中日光勝爾時菩薩說此頌已告諸天曰汝等若欲清淨飽滿甘露之法可生中天空國六大城市內爾時釋提桓因在於座中作是思念知釋迦菩薩必託摩耶夫人胎臟之內我當以神通力清淨其體令無垢穢身力強健以待菩薩作是念已即以通力淨彼摩耶夫

人胎臟之內菩薩爾時於祝史天宮五種觀察懇懃三唱告諸天已仰於夜中如六牙白象形下於天竺降摩耶夫人清淨胎內爾時摩耶夫人即於其夜見四種夢一者見六牙白象來處胎中二者見其自身飛騰虛空三者見上高山四者見多人衆頂禮圍遶作是夢已向淨飯王說如上事時淨飯王即召相師說其夢事相師答曰如我相法王大夫人必當生男具足三十二丈夫之相莊嚴其身若紹王位當乘金輪伏四天下若出家修道

證法王位名聞十方作衆生父內攝頌曰

我降生時四天守護如明月珠諸物纏裹亦如寶線智者明了自持五戒無諸欲念諸菩薩有常法從覩史天下生母胎當爾之時十方大地悉皆震動有大光明並皆周遍

六趣衆生隨業之境日月威光所不到處普皆明徹其中衆生各相告曰今此光明得未曾有將非我等別受生耶復次菩薩降母胎時釋提桓因即遣四天王神營衛其母而此四神一執利刀一執寶索一執於戟一執弓

箭何以故恐諸惡魔得其母便諸菩薩降生之時其母胎中諸血穢等皆悉遠離而不染著如明月珠雖爲諸物之所纏裹而無染汙菩薩在母胎時亦復如是如諸菩薩常法其母常見菩薩在其胎中猶以青黃白赤等綿裹於淨寶諸華心眼人見其寶綿分別曉了母見菩薩在其胎中亦復如是諸菩薩常法在母胎時能令其母身體和悅無有疲乏諸菩薩在母胎時其母自然常持五戒不殺不盜不邪行不妄語不飲酒諸菩薩常法在其母

胎其母自然不貪欲愛復摩耶夫人忽自思
念四大海水皆飲令盡向淨飯王說其心願
時劫比羅城中有一外道名曰赤眼善諸幻
術王令使者喚^{第二}其赤眼說如上意赤眼報曰
願與夫人登高樓上既登樓已即以幻術爲
四大海水持其海水與夫人飲既飲水已爾
時夫人其意即忌時摩耶夫人復更思念一
切有情被繫閑者悉令解脫作是思已即向
王說王聞是語即勑獄官所有囚閑皆令放
出爾時夫人其念即息摩耶夫人又復思念

意欲布施財物作是念已即向王說王聞是
語即爲布施種種財物爾時夫人其念便息
又復思惟欲往苑園遊行觀望便向王說王
聞是已即將夫人就諸園苑觀望其念便息
又復生念意欲於父王園苑中居止便告王
曰王聞是語即令使者往善悟王處報云爾
摩耶夫人意欲就彼父王藍毗尼園中居止
王聞是語便即差人敷設掃灑令摩耶夫人
及諸侍從嫁女詣藍毗尼園而爲遊觀及見
一無憂樹華葉滋茂夫人欲生太子便手攀

其樹枝時天帝釋知菩薩母心懷慙恥多人衆中不能即誕其子便作方便發大風雨令諸人衆各自分散是時帝釋化作老嫗立夫人前夫人即生時天帝釋以仙衣擎取先在腹內心多煩悶告帝釋曰汝放於地時天帝

卷二

十一

釋迦少遠住菩薩生時大地震動天地光明乃至日月所不及處皆令明徹其中衆生皆得相見各相謂言非唯我身獨在此處生亦有餘人共在此處一切菩薩有常法式從胎出時無諸膿血及餘穢惡其菩薩母欲產之

時不坐不卧攀樹而立無諸苦惱後有菩薩常法生已在地無人扶侍而行七步觀察四方便作是言此是東方我是一切衆生最上此是南方我堪衆生之所供養此是西方我今決定不受後生此是北方我今已出生死大海爾時諸天手持白蓋及與白拂雜寶嚴飾覆菩薩上諸龍王等各持二種清淨香水所謂冷暖調和洗浴菩薩諸菩薩常法誕生之處於其母前現大池水其母所欲澡洗皆悉充足諸菩薩常法誕生之時諸天仙衆在

虛空中以種種天妙和香末香塗香栴檀沉水而散菩薩種種諸天音樂在虛空中自然發響爾時阿私陀仙在吉悉枳迷山石窟之中彼仙恒知一切世間興衰之相其仙有一外甥名那羅陀彼那羅陀時時而來恭敬供養爾時仙人隨緣教示報那羅陀曰彼聞仙記深信不虛喜溢身心求請出家而作弟子菩薩初誕天地光明那羅陀覩瑞即白仙曰親教頗有惡世二日雙現以不若無二日何故此窟有是光明時阿私陀仙說伽陀曰

日光極熱不明淨此光明淨及清涼流輝晃耀於山窟我定知是牟尼光菩薩神通大威德出其母胎現此光清淨明朗真金色遍滿世間諸大地那羅陀報曰親教我今隨從親教欲看菩薩卷三時仙告曰汝今知不彼之菩薩有大威德天龍八部之所圍遶我等往彼不可得見若彼菩薩入劫比羅城三號已然後我往可見菩薩菩薩生時五百宮人各生一男謂贊釋迦而爲上首五百宮人各生一女旃尼而爲上

首五百大臣各生一男邬陀夷而爲上首有五百象各生一子報灑陀子而爲上首五百馬各生一子馬羅呵馬子而爲上首五百寶藏自開出現四方諸國王等悉皆降伏常獻種種雜物而來奉事爾時大臣見是相已來白大王王聞此事便深思念我今此子成就一切諸善事業因此大王號此大子名爲成就一切事是故菩薩初得此名時劫比羅城有一藥叉名爲釋迦增長城內若有釋迦族類生得男女先將向彼藥叉而爲作禮時彼

大王便勅臣佐將其太子往增長釋迦藥叉處遣作禮拜臣得王教以七寶輦舉安置太子往詣藥叉之處劫比羅城諸釋種等性懷猛烈心意兇猛多起人我堅鞭惡見彼菩薩皆悉寂靜默然而住時淨飯王作思念曰此住劫比羅城諸釋種等性懷猛烈心意兎暴多起人我堅鞭惡性彼見太子入城皆如牟尼默然而住以此緣故可呼太子名爲釋迦牟尼時釋迦牟尼菩薩至藥叉廟所彼釋迦增長藥叉遙見菩薩漸近廟所即從座起

五體投地頂禮菩薩衆人見已甚大驚恠即
往淨飯王所白言大王今藥叉神遙見太子
從廟而出頂禮雙足時王聞已甚大歡喜作
如是言若天神禮拜太子故知是天中天以
此緣故號爲天中天時彼大王即將太子還
於本宮令宮乳母依時養育彼乳母等甚大
歡喜即以雙手於父王邊捧受太子在宮閣
內勤加養育彼乳母等每日香湯洗浴塗妙
好香種種莊嚴每日將向王所王乃抱持太
子安於膝上觀看相貌甚大歡喜國有常法

若王宮生子即喚梵行相師觀看相貌王乃
喚相人令占太子旣占相已而答王曰今此
太子實是成就三十二相若在家者得作金
輪聖王王四天下善法理化具有七寶一者
金輪寶二者象寶三者馬寶四者末尼寶五
者女寶六者主藏臣寶七者兵將寶具足千
子勇健端嚴降伏他軍此大地中所有人等
無相犯者皆悉令行勝妙善法若當出家給
法王位如來應正等覺名稱普聞具三十二
相王即問曰何者是其三十二大丈夫相一

者具大丈夫足善安住等案地相二者於雙足下現千輪輻相三者具大丈夫纖長指四者足跟趺圓長五者手足細軟六者手足綱縵七者垂手摩膝相八者醫泥耶溥相九者身不僂曲十者勢峯藏密第十二十一者身相圓滿

如尼瞿陀相十二者常光一尋十三者身毛上靡十四者身諸毛孔一一毛生如紺青色螺文右旋十五者身皮金色十六者身皮細滑塵垢不著十七者於其身上兩手兩足兩肩及項七處圓滿十八者其身上半如師子

王十九者肩善圓滿二十者髀間充寶二十
一者身洪健直二十二者具四十齒皆悉齊平二十三者其齒無隙二十四者其齒鮮白二十五者領如師子二十六者其舌廣薄若從口出普覆面輪至耳髮際二十七者於諸味中得最上味二十八者得大梵音言詞和雅能悅衆意譬如羯羅頻迦之音其聲雷震猶如天鼓二十九者其目紺青三十者睫如牛王三十一者其頂上現烏瑟臘沙三十二者眉間毫相其色光白螺文右旋若不出家

得轉輪聖王王四大洲菩薩常法其菩薩母
產菩薩已七日命終生三十三天菩薩常法
生已其身端嚴超諸世間衆所愛樂見者無
厭猶如善巧工人以闇浮檀金作諸形像天
衣覆上放大光明普遍輝耀其菩薩身亦復
卷二十七
如是如彼蓮華衆人所愛菩薩亦爾菩薩常
法眼恒不瞬如三十三天由果業故日夜常
見四維上下一由旬內梵音深遠如雪山鳥
其聲清妙菩薩生已自然具足廣大智慧善
解一切世間正化父王國法無不明了爾時

那羅陁仙人來白師曰今者菩薩入劫比羅
城父王淨飯已立三號願師共詣禮拜瞻仰
其師謂曰今隨汝意二仙相隨欲修禮謁以
菩薩力故遂失神通不得如常乘空而去便
共步往劫比羅城既入城已至王門外告門
人曰汝可爲我往白大王阿私陁仙今來門
外願見大王時守門人即至王所具陳上事
王聞是已即持香華迎彼二仙安置宮內既
安置已善言問訊今者大仙何緣遠來欲求
何事二仙答曰我等故來願見菩薩王報仙

曰我之太子今正安眠且待須臾令與相見
爾時二仙復白王曰雖復未覺我等意者暫
欲觀瞻爾時大王即領二仙至菩薩所便見
菩薩雖復寢睡其眼常開時阿私陀仙見是

事即說頌曰

如真飛龍馬 轉睡還復覺 如善營事人
睡蓋不能覆

時彼嫗母即前擁抱太子受彼二仙時阿私
陀便以雙手跪而承受遍體觀察白大王曰
大王已令諸婆羅門占相師等相太子未父

王答曰已令相訖阿私陀仙復白王曰彼等
諸人占此太子當有何相父王報曰若紹國
位御金輪寶聲聞十方一切國土時阿私陀
以贊頌曰

大王今當知 相者不能測 未劫無輪王
必證菩提道卷二 一切金輪王十八 相猶不炳著
我今觀太子 當取法王位

根本說一切有部毘奈耶破僧事卷第二

音釋

顛顙

切顛
薄顙昨

顙頷焦

顙頷憂

顙頷瘠

顙頷秦

顙頷醉

顙頷跣

顙頷徒

顙頷息

顙頷淺

顙頷劫

顙頷掠

顙頷也

顙頷切

顙頷古

顙頷面協

叛

切叛
離叛顛

叛顛昨

叛顛焦

叛顛憂

叛顛瘠

叛顛秦

叛顛醉

叛顛跣

叛顛徒

叛顛息

叛顛淺

叛顛劫

叛顛掠

叛顛也

叛顛切

叛顛古

叛顛面協

杭

切杭
離半顛

杭顛昨

杭顛焦

杭顛憂

杭顛瘠

杭顛秦

杭顛醉

杭顛跣

杭顛徒

杭顛息

杭顛淺

杭顛劫

杭顛掠

杭顛也

杭顛切

杭顛古

杭顛面協

綱

切綱
黏稻

綱稻抄

綱稻掠

綱稻楚

綱稻交

綱稻劫

綱稻掠

綱稻也

綱稻切

綱稻古

綱稻面協

綆

切綆
黏稻

綆稻抄

綆稻掠

綆稻楚

綆稻交

綆稻劫

綆稻掠

綆稻也

綆稻切

綆稻古

綆稻面協

綴

切綴
黏稻

綴稻抄

綴稻掠

綴稻楚

綴稻交

綴稻劫

綴稻掠

綴稻也

綴稻切

綴稻古

綴稻面協

於

切於
指間

於子盈抄

於盈切

於盈劫

於盈掠

於盈也

於盈切

於盈古

於盈面協

縫

切縫
相切

縫羽置

縫羽正

縫羽奪

縫羽也

縫羽雜

縫羽也

縫羽切

縫羽古

縫羽面協

縗

切縗
連莫置

縗莫正

縗莫奪

縗莫也

縗莫雜

縗莫也

縗莫切

縗莫古

縗莫面協

縕

切縕
連莫置

縕莫正

縕莫奪

縕莫也

縕莫雜

縕莫也

縕莫切

縕莫古

縕莫面協

永樂北藏

一切有部毗奈耶破僧事

第八六册